


БЪЛЕНКІЙ

Записки изъ Верховины

EX
LIB
RIS



PAUL R. MAGOCSI



ЗАПИСКИ
ИЗЪ
ВЕРХОВИНЫ.

ВЪ КНИГѢ

М-ти Ю. Шаповала

№ 1952, 2

Написаль :

Бѣленькій.

930

С/К/С

Унгваръ,
Книгопечатня „Акційнаго Общества Уніо“
1907.



М-ти Ю. Шаповала


№ 1952

Записки изъ Верховины.

Написаль : Бѣленькій.

Горы, наши горы, наши бѣдны горы!
Что за дивна сила васъ тутъ наметала,
Лучъ тепленькій солнца отъ земли украла?
Крыете-ли въ нѣдрахъ для васъ лучшу долю...?
(Митракъ.)

Путешествіе по Верховинѣ, выпл-
тится всякимъ чиномъ. Душа, прибита
журбами каждодневнаго живота, свободно
можетъ подлѣтати въ голубое небо, во-
схваляючи всемогущность Создателя, а
вмѣстѣ заразомъ и подивляти чудеса
сотворень, что тутъ даются видѣти. Они
призываютъ до себе зломану душу, обез-
силенну волю, обы вглубилася въ тоты



Digitized by the Internet Archive
in 2016

<https://archive.org/details/zapyskyyzverkhov00stry>

чувствія, яки выкликаеть подивленіе сихъ безконечныхъ горъ, безнастанныхъ кра-
сотъ и безграничныхъ бѣдностей.

Давно тотъ приказка: кого душа бо-
леть, природа загоить. Такъ то и правда:
Верховина, то нашъ сцѣляючій, потѣша-
ючій лѣкъ, котрой горы, рѣки, долины,
растенія, словомъ все, что звется „наша
земленька“. Хотя бѣдна, обдерта непло-
дуча, пайесоватыми чужинцами обшар-
пана и вызыскована, та однако наша.
Не чужа, наша . . .

Не малое се слово. Бо Верховина
однакожъ выживила не одного поколѣня.
Отъ давной давнины живутъ тутъ наши
люди, тожъ она всетаки мати наша,
котру мы повинны любити, такъ якъ
Богонько приказалъ родну матку чество-
вати. Тяжко-важко тутъ провадити житье,
но за ото честно. Бѣдный та темный
нашъ народъ Верховинскій, но честный
та богобойный; матка Верховина не по-

зволяетъ своимъ дѣтемъ разбѣшакovati: на Верховинѣ не есть злыхъ людей!

Видъ природы удивляетъ челоуѣка, посмотриме еи душою маляра, ци окомъ господаря-газды, ци съ пристрастью туриста. Маляреви силуется подъ щетку дивны твары и постаты, чудесны перемѣны и закраски, въ котрыхъ цѣлою душою можетъ углублятися; туристови приростаетъ охота при каждомъ кроку, обы больше та все больше видѣти; людписцеви (етнографу) вытворяется цѣлый скарбъ народнаго житья, господарь же чужинець съ подивленіемъ сплескаетъ руки отъ нерозумѣлаго ему положеня: якъ можуть тутъ люди жити, на хлѣбъ зарабатывать?

Цѣлькомъ правда, если посмотриме матеріальное положенье майже всѣхъ руснаковъ, особливо Верховинцевъ нашихъ, выкликаеть у зрителя на першый видъ дуже смутны гадки. Но горамъ придивлятися и горы узрѣти: то не одно

и само. Если ближе приступиме до дѣла та впознаеме народъ, мимовольно приходитъ мысль: аджежъ тутъ тысячами лѣтъ жили люди, та якось перебудутъ еще и на дале якійсь часъ. Хотя правда, изъ другой стороны выринаетъ опять не весела думка: якъ долго . . . ?

Но, поневажъ всдохъ стоитъ въ дуже близкой сродности съ позѣваньемъ, мы не желаеме никого симъ письмомъ до позѣвань допроводити, бо теперь не пишемъ елегію, оплакуючу бѣдноту верховинцевъ, только просты записки путевы.

Не есть большой утѣхи, бодай менѣ, якъ проходжувати изъ одной околицѣ на другу, придивлятись людемъ и природѣ. Отъ полонинского воздуха почувается душа легкою, внутренна сила прибераетъ охоты до работы, до добрыхъ дѣлъ и намѣреній: человекъ чуется спокойнымъ, счастливымъ. И кромѣ счастливости допоможетъ человека така про-

гулька не великимъ коштомъ — фельетонъ написать для Науки.

Солнце уже высоко стояло, коли мы вырушили изъ гостинного дому о. приходника въ Волосянцѣ. Лучи сонця озолотили цѣлый круговидъ, котрый впрочемъ не былъ такъ великій, бо ходили есьме въ долину, изъ обохъ боковъ стромкими горами ограниченной. Мой товаришъ спутникъ не былъ привычаенный до ходу меже полонинами, та оставалъ на каждомъ десятомъ кроку позаду припочивати, прикрываючись нѣбы тымъ, что фотографичны снимки хочеть робити. Даремно напоминалъ его панъ Сойка, нашъ путевождя, церковникъ волосянской, — что то лишъ въ первыхъ годинахъ будетъ ему такъ трудно, позднѣйше же привыкнетъ. Что дальше драпаючися въ гору, званну тутъ „груньемъ“, все лѣпше не ставало ему силы, тому то мы посѣдали всѣ тріе подъ одною дикою яблонькою. Нашъ вождя зачалъ всяки былицѣ

и небылицѣ проповѣдати, обы лишь про-
вести часъ супочинку съ забавленіемъ
утомленного товариша.

— Знаете панове, у насъ дуже тяжко
жити, саме такъ, якъ намъ теперъ тяжко
было драпатися на сесю гору. Тутъ меже
сими великими горами изъ перву и не
было людности, наши люде присувалися
лишь помаленьки изъ низины въ гору,
принужденны бѣдою.

— Коли еще Іисусъ Христосъ —
святилъ бы ся — ходилъ съ Петромъ
по земли, походили майже всю землю та
завернули и на Угорщину. Ишли-ишли
собѣ, доки „поберовали“ доходити, куда
лѣпша, ровна была земля та каже Іисусъ :
Но, досѣ най живутъ люде, сюды можуть
жити! (Десь тамъ коло Хуста было ото.)
А дале, якъ пообзерался идъ горѣ, та
видѣлъ, что тамъ еще много береговъ,
та пусть меже великими горами — туда
лишь махнулъ рукою, самъ не зайшовъ
туда, та казавъ: Та най живутъ люди и

туды по Верховинѣ, если хотятъ. Такъ ото было, что Христось на Верховину лишь рукою махнулъ: ажъ будетъ, будетъ; ажъ не будетъ, якъ собѣ хочетъ.

— Земля не родить. Добро, коли отдасть того, чого посѣме, або пса-диме. Орати не можно всяды, лишь по бокахъ идъ сонцю та и того подъ верш-комъ, бо въ низъ сонце не присвѣтитъ. А землю, перепрошую, гноити дуже трудно такъ высоко.

— Якъ то? — звѣдаюся я — та ваши волики зможуть на верхъ повезти гной?

— А, где туда! Кошиками несеме его мы сами. Та и не разъ, якъ прій-детъ дождь великій, все понесетъ изъ груня въ рѣку. Тому то и такъ худы наши ораницѣ. Села хоть далеко лежать одно отъ одного, но прото хотаръ не великій, котрый хосноваль бы ся. Разъ тому, что где земля лѣпша, призначили ей при комасаціи графу Шенборкови, а

вдруге тому, бо плодючой землѣ дуже мало меже камѣнями. Бо намъ лишь самы худы землѣ дали. Та и тоту землицю такъ треба сокотити, якъ дѣтину. Бо якъ сѣйбы вызеленѣють, приходять графски оленѣ та медведѣ, та если бы не стереглисьме при ватрѣ гукаючи цѣлу ночь, такъ бы знищили звѣрѣ, что хибалишь плакати та голодовати до другого хлѣба.

— Та пушки не маєте, обы убити тыхъ напастниковъ?

— Ба! А кто бы могъ за пушку кожного року пятьнацять срѣбныхъ платити? За такі гроши я годую себе и родину за цѣлы два мѣсяцѣ. Ось, видите паночку, тымъ берегомъ стоять за рядомъ побѣленны стовпы попри сѣйбы: то противъ оленевъ! Онтамъ ни другомъ боцѣ стоять въ овсу такомъ худжала, тычки, прибранны въ подобіе человека, обвѣшанны всякими шматками-платами. То противъ медведевъ.

Айбо медвѣдь, то паскудный и хитрый гость. Якъ загостить у овесъ, першое дѣло ему съ тымъ пуджаломъ упоратись: тычку переломить, шматя роздереть на дробно та повалить цѣлое пуджало на землю. Якъ симъ готовый, сядеть собѣ на задны ноги, передными загорнетъ овесъ на цѣлый снопъ и зачнетъ жувати. Коли вычистилъ передъ собою просторонь, посувается напередъ такой такъ стоячи, та опять ѣсть и гармаеть овесъ. Такъ, что за одну ночь, если не втямлять его газдованя, розтолочетъ цѣлу сѣйбу и робить въ ней цѣлу улицю.

— А есть тутъ медведѣвъ много?
— зазвѣдалъ церковника перестрашенный тераришъ.

— О, ци? паночку, есть такіи часъ, коли потиснетъ морозъ, что залѣзають и въ село та воды вбивають. Но въ такой порѣ, якъ нынѣ, не есть чого ихъ боятись. Теперь, у лѣтѣ, не кивають

они человека, бо вдовольняются и яблоками та малиною.

Ось, видите паночку, сеся яблоня дуже много родить, подъ котрою тутъ сидиме, тожъ и радо приходятъ сюда медведики. Минувшого року я самъ видѣль изъ тамтой колибы, котра онтамъ на противномъ грунѣ, якъ ишла сюда медведица съ двома бочаками до сей яблонки. Стара выхопилась на дерево и стала рвати та смачно кушати. Увидѣла своихъ малыхъ медведиковъ, что подъ деревомъ съ ожидающими очами глипали на маму, зачала имъ трясти. Рясно падали яблока на землю, а бочаки жваво позабрали все до чиста. Потрясла и другій разъ, але тогда вже не падало только, якъ упередъ, та медведики хапаючи по яблокамъ повадилися меже собою, ги песики. Спершу мурчали одинъ на одного, потомъ докивнули собѣ головами и зачалась дранка страшенна. Побились, покусались. Якъ мати задрѣла,

что дѣти спорятся, ало! побѣгла изъ
дерева та лускъ! лопнула одного по по-
тылицѣ. Бочакъ лишь захрипѣлъ, пере-
вернулся та простеръ ноги противъ неба.
Изомлѣлъ бѣдолаха.

Мама медведица розжаловалася надъ
своимъ такимъ острымъ осудомъ: за-
чала впередъ нѣжно будити, облизовати
сына, ци тамъ доньку. Потомъ перевер-
тала его на всѣ боки. Якъ и сесе не
помогло, взяла медведика въ зубы, по-
несла на рѣку и замочила ему голову
у воду. Отъ холодной воды ожилъ мед-
ведикъ, розтворилъ очи та обтрясуючись
дасколько разъ отъ воды, побѣгъ жваво
подъ яблоню и ѣлъ та сварился и дальше.

— Ой Сойко, красну побрехеньку
придумали вы тутъ намъ — кажу я
усмѣхаючись.

— Не вѣрите паночку? Абы'мъ
сталъ полякомъ, если не правду говорю.

— А чому вамъ такъ не любляться
поляки, что такъ на нихъ прирѣбаетесь?

— Чому? Тому, бо изъ поляка кедь не песъ, то собака! Абысьте знали, та готово. Можете выписати и въ Науцѣ, изъ котрои бывало нашъ учитель таки красны дѣла вычитаетъ намъ, что онъ любо слухати. Божечку, яка шкода, и жаль менѣ великій, что я не письменный!

— Якъ то? — звѣдаю — Вы такъ розумный чоловѣкъ, а не вмѣете читати?

— Та и одки бы знати? коли я молодой былъ, не дуже клопотались за мною, обы до школы ходити; та такой и не было порядной школы. А теперь, на стары лѣта вже годѣ научитись.

— А много у васъ письменныхъ?

— Та такъ прошу, на цѣлое село хиба пять-шѣсть, что зовуть ихъ крылошанами, бо въ крылосѣ знаютъ спѣвати. А кромѣ нихъ хиба дѣти знаютъ подешто шильобати, та и то лишъ по мадярски. Если бы не пацъ отецъ духовный, то передъ аломськимъ учите-

лемъ не знали бы и Вѣру ю та А пос-
толъ въ церкви читати.

— Сколько роковъ маєте вы Сойко?

— А знаетъ его бѣда! Не годенъ
точно повѣсти, гдесъ такъ коло пятьде-
сятого топчу.

— А дѣтей маєте?

— Есть пять хлопцевъ та ще колько
дѣвокъ. Айбо панове, часъ бы вже ру-
шити, бо не дойдеме до дня до Пилип-
цяхъ.

Почалось опять драпанье въ гору.
На вершку представлялся намъ чудесный
видъ: въ окружѣ до 3—4 миль виднѣ-
лися самы горы за горами, якъ бы волны
на морю, — съ загородженными цари-
нами совсѣмъ лисы грунки полонинськи
съ густою великою травою, въ котрой
громади овецъ пасли.

Овчари были вже послѣ полудневнымъ
доеньемъ. Одинъ изъ нихъ трубилъ у
величезну трубину довгу на три метри;
звуки роздались по цѣлой долині, отби-

ваючись въ противны боки, якбы нага-
дували стару овчарську пѣсню, коли то
опришки напали на овца. Овцы ему
забрали, егожъ самого хотѣли убити.
Ледвы зналъ выблагати въ нихъ, обы
ще послѣдний разъ загралъ на трумбитѣ
та потягнути жалостно:

Татуню, татуню,
Бери на ся гуню!
Мене повязали,
Та овцы заяли . . . !

Товаришъ не зналъ, куда пристав-
ляти свою машину, обы чудесный край
отфотографовати. Холодный вѣтеръ про-
дувалъ, упрѣлое тѣло дрожало. Отъ
востока далъ видѣтись бѣлый вершокъ
„Жида“, покрытый снѣгомъ, оттуда за-
ношовалъ вѣтеръ милы звуки трумбиты,
а меньше милый холодъ. А то было въ
мѣсяцю — августа!

Дорога вела вже по сему все и все
въ низъ, въ долину почалися деревья,
ажъ насъ закрылъ густый, пахучій лѣсъ

смерекъвый, полный кѣрницами съ квасною водою, освѣжающимъ воздухомъ, та поощенность что душу поднимать до неба. Захвильку не было, видно ничего, лишь лѣсъ, лѣсъ, густой лѣсъ. Насъ прѣглотила гущавина.

Сойка, что былъ на передѣ, разъ у разъ пощугнуетъ тайстру узадъ, котра отъ галузъ все пошибнулася на передъ. Галузя били насъ въ голову, око, где — тамъ, якъ бы карати хотѣли насъ за переступъ лѣсового спокою. Пробивалисьмесья великимъ трудомъ въ гущавинѣ.

Отхилиячись великого голуза, ударило Сойку одно сучье по головѣ и то такъ чамяно, что сарака майже впалъ на землю. Кажу ему:

— Сойко, чому дозираете усе лишъ тайстру свою, а не очи? Видите, тогды бы не досталисьте такій ударъ на око.

— Ой, пане, я бы не лишился своей

тайстры ни за якій свѣтъ. Стратилъ бы'мъ свое счастье.

— Якъ то? таку силу маеть ваша тайстра, что счастья можетъ давати?

— Прошу пане, я не годенъ повѣсти, якъ и что. Тото вже у насъ така останова, безъ тайстры нигде не ити. Боже ухили, обы я ей лишился. Ось, заразъ тутъ будетъ село, та не будете видѣти ни одного чоловѣка безъ тайстры

По правдѣ, нашъ вождя истинно говорилъ, якъ о томъ я позднѣйше убѣдился. Не знати, по какой причинѣ кожда единиця мужеского полу тайстру свою усе на собѣ носить. Якъ начнетъ только ходити хлопчиско, перша его забава то тайстринка полотняна, съ нигда не залишеннымъ ножикомъ — бѣчакомъ. Якъ уже подрастаетъ, тайстра необходима коло скотарства або до работы. Въ паробка — легиня перемѣняется полотнянъ тайстра на кожану съ гузиками та свѣтлыми прашками, въ котрой находится

кромѣ ножа кремень съ оцѣлемъ та ва-
келия. Для бирова граетъ тайстра еще
важнѣйшу роль, именно служить въ него
для канцеляріи. Бо въ бировской торбѣ
находите хоть коли, день и ночь, пе-
чатку сельску, папѣрь, карандашъ, уря-
довы письма: словомъ, усѣ громадьски
справы у тайстрѣ. Сію тайстру не из-
бѣгаютъ руснаки ни въ ночи, ни въ
церкви, ни коло стола, тымъ меньше при
работѣ. Даже коли дрыва рубать, не кла-
детъ ей руснакъ на бокъ, но волѣетъ
подвойну роботу робити: дрыва рубати,
та тайстру каждой минуты на взадъ
птовхати плечемъ.

Тымъ часомъ мы заблудили въ лѣсѣ.

Сойка чухался въ потылицю, заги-
овалъ, крутилъ носомъ на всѣ вѣтры
въ концѣ мусѣлъ таки признатися о-
мѣ. Та теперъ куда?

Довкола густа гущавина лѣсу сме-
кового, якои хиба въ Африцѣ видати.
а десять кроковъ не можно видѣти, а

мы тутъ мусиме блукати безъ выходу по лѣсу въ товариществѣ двухъ людей, Богъ зна' сколькоихъ медведѣвъ та дикуновъ

Ажъ ось! Церковникъ поднимаетъ носъ въ гору, вертитъ нимъ сюда-туда. Очевидно чогось завѣтрюетъ. Въ конци закрикнетъ на цѣлое горло: — Тутъ есть село!

— Где? — звѣдали мы съ удивленіемъ, не видѣвши ничего кромѣ конаревъ смерекъ.

— Тутъ повинно быти недалеко! Не чуете панове сесь запахъ? То идетъ отъ села.

Справдѣ, за не великимъ ходомъ вымѣталось передъ нами изъ меже деревъ село. Истинно, давался чути и намъ якійсь чудный запахъ. Якась дивна мѣшанина чаду — дыму — гною та погорѣлой соломѣ, что до насъ изъ села долѣтало. Се такое свойство русснацкаго села, якъ запахъ розы, якъ пѣрье птаха, якъ по-

сликъ по за ушми жидовскими. Изъ запаху можно село спознати. Происходить онъ изъ подъ соломяной стрѣхи, перенятой дымомъ, котрый изъ недостатку комина протягается черезъ солому и берницѣ хижны, та доки встигне выдобытиса на вольный воздухъ, такъ переѣстъ солому, стрѣху, дерево, чго запахъ дымный остается вѣчно по надъ хижою и въ нутрѣ ея. Коли пакъ повѣетъ малесенькій вѣтеръ, запахъ скоро розлѣтаетъ по цѣлой поблизости.

Изъ великаго грунка треба было намъ спускаться въ долину. Сойко, отрадѣвше открытемъ села, зась держалъ насъ словомъ, съ готовостью отповѣдаючи на наши всяки звѣдана.

— Знаете панове, у насъ хижа не такъ будуется, якъ по городахъ та богатыхъ селахъ. Разъ тото, что долины наши дуже вузкѣ, не можно хижу по прихижы устроити, но якъ самы видите, одна тутъ, друга тамъ на сто кроковъ

дальше. Хоть сесе и не такъ зле, бо встигне огонь дагде быти, сусѣдови не треба бояться, что сгоритъ и его обѣстье. А въ друге то, что въ насъ не робится подь хижу фундаментъ съ ямами, бо кладеме только пару плитъ на голу землю Богу, обы хижа ровно стояла. На сесѣ притягнутся стѣны ивъ на половину розколотыхъ берницъ, на стѣны стрѣха, козлы и жолобница та готово. Лишь розкласти въ педу огонь. Обы пакъ у зимѣ студено не было, понаныхаются прогалыны меже стѣнными берницами мохомъ та глиною. Айбо зато не думайте, что наши хижи слабонькѣ. Есть у насъ хижи построенны передъ двѣста роками, та еще и теперъ мощны. Хотя и тото правда, если хижа будуется не на годномъ мѣстѣ, не будетъ долго тревати.

— Что то такое „годное“ мѣсто?

— Не знали бысьтѣ? Аговъ! та чого васъ учать тамъ у школѣ, если и сего не знаете? Та прошу, тото такъ. Коли

кто хижу хочетъ поставити, на самый передъ повиненъ годного мѣста собѣ выпозировати, то есть такое мѣсто, на которомъ не есть чортовой колячки. Бо если сесе зѣлье где-небудь находится, тамъ хата пропадетъ.

Ось и въ Волосянцѣ якъ разъ пять лѣтъ тому назадъ розторгалъ чортъ таку хату. Была она по при дорогѣ на маленькомъ грунку. Та разъ — ни сюда, ни туда — почалася она сувати такой такъ цѣла хижа изъ мѣста своего и за двѣ минуты поховзнулася въ долину та стала ажъ на чиненику, перегородила дорогу въ поперекъ. А свинѣ, корова, люди у хижи были, коли рушилъ ними чортъ. Переполошены люди скакали черезъ цѣвку и стрѣху, даже и черезъ окно, где ни-коли ледвы ци перемѣстился чотыри-тыждневый баранокъ.*)

*) Се случилось во истиннѣ изъ той причины, что отъ туркоту воевъ, что хатѣ поприѣзжали, хижа потряслася, а перемоченна отъ дождю земля зачала

Каменну хижу будовати, то дуже дорого бы было. Лѣпше намъ въ деревянной, бо то и дешевша, скорше устроета и теплѣйша. Та еще изъ иншой причины любиме еи, бо адека если приходитъ повѣнь, вода рознесла бы каменну або глиняну хижу, та и вѣчно мокрою бы стояла; а деревяну хижу, коли уже слакомится на ню, хита подвалить та понесеть. Поплынетъ вода, такъ и привеземе еи назадъ мотузами та гаками. У насъ церковь перенеслася изъ одного мѣста на другое, а съ одною хижою не годны бы есьме собѣ рады дати?

— Якъ то? — кажу ему — ваша церковь перенеслася?

— Ой такъ, прошу. Наша старенька выслуженна уже завалилася, нигде было

розсыпатися цодъ хижою, наслѣдкомъ чого рушила и сама хита у свѣтъ. Айбо, правда, руснаки толкують сесе собѣ инакше, чортомъ, бо такъ лѣпше сподобается имъ.

Богу молитися, та купилисьме въ Галичинѣ такожъ деревяну церковь, адде недалеко отъ насъ у приграничномъ селѣ Немировѣ. Розобрали, посадили на возы, перевезли черезъ границу орсацьку та зась поставили въ насъ.

Попа не было дома, тому то мы припросилися до бирова, обы насъ переночовалъ. Тутъ засталисьме уже двоихъ жандаревъ, что у службѣ были, та завернули до бирова, где имъ и законно належится ночовати. Бировка саме тогды ладила имъ вечерю, тожъ и мы маеме надѣю дачто перекусити.

Бировское обштьє ни въ чемъ не розлучалося отъ другихъ сельскихъ хижъ. Така сама чорна, курна стрѣха, небѣленны стѣны, величезный печь, нестерпимый дымъ, якъ у каждой простой хижѣ.

Айбо приглянимся, чого робить бировка.

На самъ передъ розложила ватру у печи, откуду дымъ, немаючи виходу

въ гору, розтягся по цѣлой хижи. Якъ наполнилъ кожду дѣрочку и каждое мѣсто, ласкавый былъ подниматися къ стелѣ, званной тутъ повало та доки найшолъ тамъ для него приготовленну дѣру, такъ розпановалъ у хижи, что мы кромѣ своего носа сперву. ничого не видѣли. Позднѣйше маленько розвиднѣлося та мы увидѣли бировку, что пораилася коло горшка, въ котромъ кипѣла вода. Бировка голосно молилася. О семъ вже мушу ей звѣдати:

— Чого вы молитесь бировко, коло вареня стравъ?

— Та пане, якъ видите, яйця варю. Та обы не переварити и недоварити; скажу триразъ „Отче нашъ“. Бо годинки въ насъ не есть. За три отченаши „ицень“ добры. Уже и готовы, прошу васъ за столъ.

Яйця смачны, айбо и мы голодны были.

— Ци любите пироги пане? — звѣ-

дается мене самъ газда бировъ — завтра таки день праздничный, то почастуймеса усѣ доброю стравою. Марьо! скоро вари для пановъ пироги!

Я по правдѣ дуже люблю пироги, тожъ съ немалою нетерпячкою ожидалъ на нихъ. Заломлючи яйца одно за другимъ добрѣ приглядався, якъ будетъ бировка мои славны пироги готовить. Кто бы случайно не зналъ, якъ они готовятся на Верховинѣ, тому выпишеме отсесю рецепту:

Овсяну муку пересѣвай на рѣдкомъ ситѣ и вымѣси изъ неи тѣсто съ горячою водою на твердо. Изъ тѣста, обсыпленного мукою, вырывай кусники у величинѣ пята, иссучи ихъ въ рукахъ на подобіе кулѣ, потомъ розмяцкай меже долоньми доты, доки круга куля не прибереть форму потячого гнѣзда. Возьми кусники варенного крумпля, ци тамъ бриндзу якъ собѣ хочешъ, и понапыхай ихъ въ гнѣзда, загинай у двое такъ, обы

два края сходились. Поплювай собѣ пальцѣ и слиною залѣпляй та розклади ихъ на столѣ за рядомъ. Якъ усѣ готовы, положи ихъ въ кипячу воду въ горнецъ, най варятся за добрый часъ ажъ не повылѣзаютъ на верхъ. Котры выходятъ, клади ихъ у студену воду. Коли всѣ выходятъ, перецѣдивши ихъ помести оліємъ або масломъ (чимъ старшимъ, тымъ лѣпше). Подкоти рукавы и перемѣшай пироги въ деревяной мисцѣ; та обы масть добрѣ зайшла у каждый пирогъ, припери миску до грудей, къ той частинѣ сорочки, котра хоснуется вмѣсто серветки, а миску разъ-у-разъ подкидуй, обы пироги подскакуючи переполнились мастю. Та обы не выскочили подъ той гимнастикою изъ миски на землю, притискай миску mocno къ грудемъ, такъ что если верхны пироги подскочатъ, обы на сорочку падали, откуда совсѣмъ безопасно могутъ покарбулятися опять у миску. Якъ усѣ порядно масны,

подай страву гостемъ. (Если имъ хочется).

Потомленны трудомъ путешествія, поклались спать. Газда и газдыня высадилися на грубый печь съ дѣтьми, а мы на постели, та котрый куда по земли. Постель была дуже проста: чотыри колы въ землю, на нихъ дошки, жменя сѣна вмѣсто заголовка. Шандаръ каже намъ по мадьярски:

— Отъ то-то еще и добрѣ намъ, бодай усѣ люди то, что тутъ лежатъ. Айбо былъ я таки тутъ у зимѣ минувшого року, памятный былъ менѣ тотъ вечеръ и ночь. Коло постели баранъ спочивалъ та румигалъ, подъ постелю качата, на бантѣ когутъ. По хижи поросята бѣгали бавлячися съ курчатыми, а въ кути хлопчикъ простерся у великомъ побратимствѣ съ телятемъ. Годѣ было уснути отъ вѣчнаго шуму, шелесту, скропоту и хропоту на перемѣну. Въ полу соню чую разъ чогось теплого на лицо.

Съ перестрахомъ вытворивши очи вижу, что то теля хочеть познакомиться со мною при помочи своего довгого — языка. Та така уже наша доля шандарська

Рано подяковали мы бировови за гостинность та рушили въ дорогу, теперь уже у товариствъ шандаревъ. Приказовали они не одного смутного — веселого изъ житья Верховинцевъ. Жаль хапаетъ и порывааетъ сердце на думку: якъ могли люди, Божы створѣня, дойти до такого упадку, до такой низькой степени людськости? Тадъ сесѣ живутъ майже такъ. якъ скоты! Чому они такъ темны, не просвѣщенны? Ци есть способу выратуватися имъ изъ такого смутного положеня?

Головна причина сему безспорно жиды та тотъ, кто ихъ сюда запровадилъ, або что одно, позволилъ имъ тутъ оселитися. Правительство принесло остры законы противъ лихвы, айбо чого законъ, коли никому его перенести? Шандары знали

бы много розказовати, чому не мае силы законъ противъ жиловского обманства, або и наши сопутники казали: Головоузка заболить, коли ротикъ говорить...

Та бо лишъ самы жида винны тому? Чому дасться руснакъ обманути жидомъ? Чому не стоваришується руснакъ, такъ якъ инши народы роблять: складають кассу позычкову, купують у своихъ склепахъ, закладають читалнѣ та учаться... Ба! читалня! коли панъ превелебный та учитель не журяться читалнею, якъ жадати отъ простыхъ темныхъ людей, обы безъ проводу сами кивалися? Дуже много винны тому наши учены люде, что только вученыхъ у насъ! А то якъ легко приступати до розуму простого человекѣка та навести его до доброго! Треба лише выйти заговорити до него, та давати ему хосенны книжочки до читаня, обы и самъ хапался за читалнею, за склепомъ не — жиловськимъ. Та бо кто напишетъ тоты популярны — народны книжочки...?

На пути стрѣтилсьме караванъ рус-
нацкій. Дванадцать коней, коло каждого
коня властитель съ батогомъ, таки пѣшки,
а на каждомъ кони у живописномъ убраню
— женщины, сидячи таки по мужеському
у сѣдлѣ. Здравкаемся:

— Дай Боже здоровля!

— Дай Боже и вамъ гораздъ!

— А где ходилисьте?

— Ото, былисьме на хлѣбъ до Хуста.

— До Хуста? Тады то пятнадцать
миль сюда!

— Та годѣ! У насъ мелай не ро-
дисься, а челядь не можетъ обыйтиса
безъ мелая.

— То вы у бисагахъ мелай несете?

— Мелай.

— Та чому не кладете бисаги на сѣдло,
коли и сами сидите въ немъ, а цубрите
ихъ на плечахъ?

— Чому? Эге, обы коневи легче
было. Бѣда въ томъ, что мы запоздали,
у праздникъ мусиме волочитись. Кобы

бодай на службу Божу успѣти. Ча! ты
лѣннюху!

Саме въ часъ службы Божой доби-
лисьмеса села В. Перепхатися черезъ
толпу гуней, набратись изъ каждой на
памятку по волосови та ставитись поза
олтаромъ — выplatилось. Чудесный нашъ
церковный обрядъ съ своими розговорами
и спѣвами! А еще роздивитись меже
сею справедливою выставкою этногра-
фичныхъ усякостей!

Господи, сколько людей у церкви!
Якъ щиро молятся, бють поклоны, бються
о грудяхъ, а якъ полна будетъ по ве-
черни корчма! Если бы лишь каждого
десятого научити на буквы та книжку
дати въ руки: не пошолъ бы тыждневный
заробокъ до корчмы. Передъ полуднемъ
слухаетъ проповѣдь противъ пьянства —
паленки, а по полудню коло скляницъ
токмиться вже съ своею совѣстю:

И я не пий, и ты не пий!

Та кто буде пити?

Та кто буде на жидови
Сироты робити?

Но мали бы наши люди иншой забавы, лишь корчму? Або безъ думокъ сидѣти въ загородѣ та мріяти, якъ бы найти мѣсто, где грошѣ въ земли горять? На жаль, руснакъ не любитъ громадскаго житя, каждый творить ся лишь самымъ собою, и панъ и простакъ . . . Новотнѣ руснакъ не любитъ: „И дѣдо мой такъ жилъ, все таки выжилъ своего вѣку“. Не учиться ничого нового, тымъ часомъ свѣтъ иде швидко напередъ, бо каждый выхоснуеть того, чого наука учитъ, лише руснакъ остаеть усе позаду. И въ гадцѣ не маеть того, что житье свое повиненъ перемѣнити, бо инакше згинеть. Изъ бѣды не хочеть вылѣзати: якось усе буде! Се потѣха для него.

Тымъ часомъ свѣтъ усе мудрѣеть, усе поступаетъ дале, тому то и руснаки повинны поступати. Треба лише щирыхъ людей изъ межи тыхъ, котры

по словамъ Христа повинны хлопотатись на хосенъ меньшого брата, ближнього своего, темного, бѣднаго мужика, бо рука руку мыеть . . .

Мы увѣренны, что найдутся и въ насъ таки паны, котры навчатъ руснака на лѣшное житье, айбо до того треба на самъ передъ распознати ся съ его теперѣшнымъ житьемъ, та потрафити до его сердца заговорити . . . Велика задача, айбо не дуже то тяжка. Не забывайме: Богъ каждому по своему запла-титъ! А се наша потѣха



